

編主五雲王

編初成集書叢

種一他其及稿和倡湖鴛

中華民國二十五年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

清平閣倡和詩

本館據畿輔叢書
本影印初編各叢
書僅有此本

後跋

逸之周君越之奇杰也余向知其高情慷慨怡心翰墨且見其閑雲諸刻益嘖嘆謂世不常有豈麒麟鳳皇然耶及益見其海窟明珠寶藏奇珍謂此君磊落胸中直數萬斛珠璣隻千古而無對孤百載而難雙者乎越中高士大覩屈指和靖君嗟嗟周

君結廬梅墟間雲是適鷗鷺與居則與和
靖孤山幽致寧有殊哉矧其敷華布彩直
逼盛唐和靖諸作固當讓一頭地鴛湖倡
和諸君得君此什有愧佛頭着糞矣

聖明在上賢士彙征胡容此君優游梅花
之下謹書數言以為他日弓旌之左券云

友人翁正春跋

清平閣倡和詩一卷

李北山

朱鷺池三先生著

李連山

自楚歸訪李少卿於濮上

鷺池

十載南冠學楚吟
半生蹤跡任浮沈
秋風客路馮驩暮
雨山堂叔夜琴
濮上故人聞獨釣
山中叢桂得相尋
歸來不惜黃金盡
易水歌殘壯士心

和

北山

君如玉粲客荊州
作賦登樓豈薄遊
橘性已隨淮水變
雁

聲常帶楚雲愁論交四海希青眼采藥三山轉白頭不向
汀蒲尋釣伴更於何地覓丹邱

會臺觀賽

鷺池

霸業古臺荒天寒野日黃雞豚秋社酒籬落水雲鄉對舞
青谿女齊歌白石郎家家扶醉去海月照枯桑

和

北山

齊桓無處所霸業有荒臺九月明農畢千秋觀賽來竹枝
歌野調桑落出村醅今古一相笑雄圖安在哉

同宋山人飲會臺莊

子建臺空秋草長北風獵獵振枯桑曾開霸業冠裳會更

結騷人翰墨場當日才名超七步至今花樹挺千章鄧侯

一去青山老留取煙霞醉楚狂

春秋齊桓公盟于鄆卽此地又爲子建讀書臺

和

驚池

雄圖霸業自消沈舊井荒臺蔓草深遠樹霏微連嶽色高原
蜿蜒帶河陰野塘秋水莊生賦沙苑幽蘭楚客吟當日
牛山空下淚誰知淒斷雍門琴

讀金剛經呈李公印正

藉草坐環堵暫誦金仙辭香雲流戶牖蔬水靜齋廚冥心
契玄奧晨暮忘飢飭有爲非妙法無住卽眞如河沙喻天
地緣業開羣愚我本素心人擔囊來海隅青蓮李居士而

有維摩姿隨處給孤園印正滅狐疑白首惜歸晚漕溪路
匪迷

和

北山

荆楚有高士久離世網嬰巴童時作禮口誦般若經一誦
暫脫解再誦彌婁清頓令六根洗三藐窺上乘恍若見伽
尼彼岸或可登况值落莫候商飈起林垞冷然無所住心
與秋水澄願言稅塵鞅永矢授無生

自製竹皮冠作

鷺池

睡起筠窗盡日閒兒童拾籜自裁冠楚囚不是山中相且
伴煙霞老巖寒

謝贈

北山

一從解組出金鑿白石山中煉大丹散髮不知搔更短山
人卻贈竹皮冠

冬日飲李公西園

鷺池

言訪高人廬聿在古城樸落日銜遠山歸禽集喬木楚童
叩深扉獼兒吹叢竹梅花東愈馨瑤草寒仍綠前廚辦旨
蓄後庭徵絲肉談詠古交編諸論南華錄達生貴自我君
子知止足

和

北山

至後氣稍煖言訪山中屋柴扉晝常掩小犬聲喔喔黃葉

覆苔階蒼煙散花塢速我好酒伴
清此慰幽獨臘梅吐新
萼暝雀啁深竹徙倚不知寒
天風在林木

贈宋鷺池

楚人不識玉掉臂下江陵
湖海無名氏乾坤有髮僧
一瓢隨乞食千里獨擔簦
余亦逃禪客相將諦大乘

答贈

鷺池

白首無家別青鞋掉臂行
屠龍空有技歌鳳竟何成
濮上尋真隱山中問達生
天涯歲欲暮徒結紫蘭情

附嶧山晚眺

側疊石梁傾高原
邾子城幽泉花覆響
秘洞藥長生秋草

秦碑沒白雲漢時平鳥還山欲暝無限旅人情

山中書事寄懷濮陽李北山符卿

秦漢殘書亂不收笑看雙劍倚牀頭嶽雲南度鳧山曉海
氣西連汶水秋去楚誰憐和玉泣臥巖無復貫珠求憑高
不盡哀歌斷何處逢人問帝邱

寄答二首

北山

魯甸開仙窟秦碑表鎮山弄丸成大塊累石結重關世遠
鷗機息雲深鶴夢閒囊中有靈藥寄我駐顏顏

我憶荊州宋海翁讀書嶧陽古洞中傲岸君平還棄世顛
狂阮籍自高風眼底閩人爾不少天下論詩誰最工聞道

山房多麗句何如疎雨滴梧桐

附自嶧山來訪李北山

鷺池

山居亦自好忽動美人思秋水將同賦停雲敢滯期方云
心匪石復念髮成絲蹙膝華軒下一尊共我持

喜朱鷺池至自嶧山見訪

時六月十五日

北山

山中憐獨臥濮上喜相尋咳唾煙霞氣團圓明月心別來
兒女長老至鬢毛侵握手炎蒸候清風滿竹林

題仙人白鹿圖爲北山公壽

鷺池

東華仙人跨白鹿手持節旄握寶籙羽扇霞衣風搖搖須
臾萬里何神速韓眾翩翩前致辭青蓮居士六旬六玉娥

鱗次進蟠桃瑤函丹簡紀五福壽筵高張濮水濱華軒樂
奏南薰曲常棣園中慶連枝兒孫膝下走羣玉簪冠道士
捧瓊觴金粟謫仙撫玄鵠醉中同咏五嶽歌爲君起舞情
如何千秋萬歲意不盡門下報恩誰最多座中更有齊貌
辯三言爲主生榮那意氣從來我不少披圖賦詩何草草
待君千歲鍊精魄相隨還訪東華道

和答宋鵞池山人見贈壽詞

北山

老大今年六十六日日搔頭臥空谷看花常與春作伴居
家但願平爲福簪冠道士忽相訪腰繫詩瓢騎白鹿酌我
北斗白玉漿贈我南山紫芝曲嗟嗟歲月苦無多童顏不

駐如我何握手別君忽四載向來憂喜何紛那別日常多
見日少一迴相見一迴老白雲回首似君稀中懷當爲知
者道有子甯論紙筆知無官最愛清貧好飲君酒欲傾倒
銀燭煌煌徹昏曉君家何在青山杳丁令一去人民非澗
畔長松獨矯矯我有東皇太乙圖借君絲筆任揮掃詩成
夜半風雨來庭前處處生芳草

送宋鷺池還趙

燕趙產名士壯遊荆楚西依劉成阻絕御李費攀躋掉背
尋東道看山過別蹊抱琴心自媚完壁手長攜久客身將
老思歸路轉迷劍臨南斗合馬爲北風嘶來自靈巖下因

逢珠樹栖到關占紫氣開卷拂虹霓豈少綈袍贈相留翰
墨題停雲懷故國落日渡清溪人似丁令往秋多蟪蛄啼
家貧憐壁立囊破問詩奚有女難成業無妻更守閨鄉園
惟鳥雀城郭半蒿藜待子莊周夢還應入會稽

將還趙郡留別李北翁

鷺池

挾書出魯關高揖謝名山湖海尋同調煙霞尙在顏才名
元度外辭賦且人間客久囊頻澀秋深鬢益斑白鷗依水
宿鴻鵠倚雲攀自笑身如矢誰知刀有環居將傷歲暮去
不爲途難舊業花三徑新河水一灣首邱狐自戀繞樹烏
空還壁在心猶壯珠投淚欲潛平原不可作肝膽向誰扳

再送宋山人四首

北山

君乘濠濮興北遊燕趙間燕趙多佳人能不重躋攀
西風吹角巾飄飄望桑梓舉頭見青山莫道無知己
與君如落葉偶被秋風聚聚散隨秋風寸心金石固
日歸復日歸十年歸未得人不生空桑誰不念鄉國

留別再賦四首

鵞池

長揖辭所知去去濮水上執手兩無言秋風爲惆悵
自識浮生理羞歌行路難飲君一斗酒醕此百年歡
天地卽蘧廬何人不是客浮雲本無心遊子念將夕
不佩千金劍不乘五花馬出祖皆名流結交多長者